

古德禪師真心直說序

敦九

或曰祖師妙道可得知乎曰古不云乎道不屬知不屬不知知是妄想不知是無計若真達不疑之地猶如太虛寬廓豈可強是非耶或曰然則諸祖出世無益羣生耶曰佛祖出頭無法與人只要衆生自見本性華嚴云知一切法即心自性成就惠身不由他悟是故佛祖不令人泥着文字只要休歇見自本心所以德山入門便棒臨濟入門便喝已是探頭太過何更立語言哉或曰昔聞馬鳴造起

信六祖演壇經黃梅傳般若皆是漸次為人豈獨無方便於法可乎曰妙高頂上從來不許商量第二峯頭諸祖畧容話會或曰敢祈第二峯頭畧垂方便耶曰然哉是言也柰何大道玄曠非有非無真心幽微絕思絕議故不得其門而入者雖檢五千之藏教不以爲多洞曉真心者但出一言之擬比早是剝法矣今不惜眉毛謹書數章發明真心以爲入道之基漸也是爲序

重刊真心直說序

夫真心直說者佛佛授手祖祖相傳更無別法也心者人人之本源諸佛之覺性一切萬法盡在一心之內八萬四千法門從此而出悟此心者凡聖交參迷此心者生死無際心隨事轉事隨理彰事理融和名直說者矣今比丘淨林宿生慶幸得遇斯文發心重新刊梓流通命予爲序以冠篇首予才陋語拙學問之淺無足以發明其深奧矣畧序直說真心以塞其請耳

昔成化己丑年五月端陽日後學文定序

真心直說

敦九

真心正信

華嚴云信爲道源功德母長養一切諸善根又唯識云信如水晶珠能清濁水故是知萬善發生信爲前導故佛經首立如是我聞生

信之所謂也或曰祖門之信與教門信有何異耶曰多種不同教門令人天信於因果有愛福樂者信十善爲妙因人天爲樂果故有樂果有樂空寂者信生滅因緣爲正因苦集滅道爲聖果有樂佛果者信三劫六度爲大

因菩提涅槃爲正果祖門正信非同前也不信一切有爲因果只要信自己本來是佛天真自性人人具足涅槃妙體箇箇圓成不假他求從來自備三祖云圓同太虛無欠無餘良由取舍所以不如志公云有相身中無相

身無明路上無生路永嘉云無明實性即佛性幻化空身即法身故知衆生本來是佛既生正信須要解茲永明云信而不解增長無明解而不信增長邪見故知信解相兼得入道疾或曰初發信心未能道有利益不曰起

敦九

信論云若人聞是法已不生怯弱當知是人定紹佛種必爲諸佛之所授記假使有人能化三千大千世界滿中衆生令行十善不如有人於一念須正思唯此法過前功德不可爲喻又般若經云乃至一念生淨信者如來

悉知悉見是諸衆生得如是無量福德是知欲行千里初步要正初步若錯千里俱錯入無爲國初信要正初信既失萬善俱退故祖師云毫釐有差天地懸隔是此理也

真心異名

或曰已生正信未知何名真心曰離妄名真靈鑑曰心楞嚴經中發明此心或曰但名真心別有異號耶曰佛教祖教立名不同且佛教者菩薩戒呼爲心地發生萬善故般若經喚作菩提與覺爲體故華嚴經立爲法界交徹融攝故金剛經號爲如來無所從來故般若經呼爲涅槃衆聖所歸故金光明號曰如如真常不變故淨明經號曰法身報化依止故起信論名曰真如不生不滅故涅槃經呼爲佛性三身本體故圓覺中名曰總持流出

功德故勝鬘經號曰如來藏隱覆含攝故了義經名爲圓覺破暗獨照故由是壽禪師唯心訣云一法千名應緣立號備在衆經不能具引或曰佛教已知祖教何如曰祖師門下杜絕名言一名不立何更多名應感隨機其

名亦衆有時呼爲自己衆生本性故有時名爲正眼鑑諸有相故有時號曰妙心虛靈寂照故有時名曰主人翁從來荷負故有時呼爲無底鉢隨處生涯故有時喚作沒絃琴韻出今時故有時號曰無盡燈照破迷情故有

卷九

時名曰無根樹根蒂堅牢故有時呼爲吹毛劍截斷塵根故有時喚作無爲國海宴河清故有時號曰牟尼珠濟益貧窮故有時名曰無鑄鎖關閉六情故乃至名泥牛木馬心源心印心鏡心月心珠種種異名不可具錄

若達真心諸名盡曉昧此真心諸名皆滯故於真心切宜子細

真心妙體

或曰真心已知名字其體如何耶曰放光般若經云般若無所有相無生滅相起信論云

真如自體者一切凡夫聲聞緣覺菩薩諸佛無有增減非前際生非後際滅畢竟常恒從本已來性自滿足一切功德據此經論真心本體超出因果通貫古今不立凡聖無諸對待如大虛空徧一切處妙體凝寂絕諸戲論

不生不滅非有非無不動不搖湛然常住喚作舊日主人翁名曰威音那畔人又名空劫前自己一種平懷無纖毫瑕翳一切山河大地草木叢林萬象森羅淨諸法皆從中出故圓覺經云善男子無上法王有大陀羅尼

卷九

門名爲圓覺流出一切清淨真如菩提涅槃及波羅密教授菩薩圭峯云心也者冲虛妙粹炳煥靈明無去無來冥通三際非中非外洞徹十方不滅不生豈四山之可害離性離相奚五色之能盲故永明唯心訣云夫此心

者衆妙群靈而普會爲萬法之王三乘五性而真歸作千聖之母獨尊獨貴無比無儔實大道源是真法要信之則三世菩薩同學蓋學此心也三世諸佛同證蓋證此心也一大藏教證顯蓋顯此心也一切衆生迷妄蓋迷

此心也一切行人發悟蓋悟此心也一切諸祖相傳蓋傳此心也天下衲僧叅訪蓋叅此心也達此心則頭頭皆是物物全彰迷此心則處處顛倒念念痴狂此體是一切衆生本有之佛性乃一切世界生發之根源故世尊

驚峯良久善現岩下忘言達磨少室壁觀居士昆耶杜口悉皆發明此心妙體故初入祖門庭者要先識此心體也

真心妙用

或曰妙體已知何名妙用耶曰古人云風動

心搖樹雲生性起塵若明今日事昧却本來人乃妙體起用也真心妙體本來不動安靜真常真體上妙用現前不妨隨流得妙故祖師頌云心隨萬境轉轉處寔能幽隨流認得性無喜亦無憂故一切時中動用施為東

行西往喫飯着衣拈起弄筋左顧右盼皆是真心妙用現前凡夫迷倒於着衣時只作着衣會喫飯時只作喫飯會一切事業但隨相轉所以在日用而不覺在目前而不知若是識性底人動用施為不曾昧却故祖師云在

教元

六

胎名神處世名人在眼觀照在耳聽聞在鼻臭香在口談論在手執提在足運奔徧現俱該法界收攝在一微塵知之者為是佛性不識者喚作精魂所以道吾舞笏石鞞拈子秘魔擎杖俱肱豎指忻州打地雲岩師子莫不

發明這着大用若於日用不迷自然縱橫無礙也

真心體用一異

或曰真心體用未審是一是異耶曰約相則非一約性則非異故此體用非一非異何以

知然試為論之妙體不動絕諸對待離一切相非達性契識者莫測其理也妙用隨緣應諸萬類妄立虛相似有形狀約此有相無相故非一也又用從體發用不離體體能發用體不離用約此不相離理故非異也如水以

濕為體體無動故波以動為相因風起故水性波相動與不動故非一也然波外無水水外無波濕性是一故非異也類上體用一異可知矣

真心在迷

教元

七

或曰真心體用人人具有何為聖凡不同耶曰真心聖凡同一凡夫妄心認物失自淨性為此所隔所以真心不得現前但如暗中樹影地下流泉有而不識耳故經云善男子譬如清淨摩尼寶珠映於五色隨方各現諸愚

痴者見彼牟尼寶有五色善男子圓覺淨性現於身心隨類各應彼愚痴者說淨圓覺寔有如是身心自性亦復如是肇論云乾坤之內宇宙之間中有一寶秘在形山此乃真心在纏也又慈恩云法身本有諸佛共同凡夫

由妄覆有而不覺煩惱纏累待如來藏名裴公云終日圓覺而未嘗圓覺者凡夫也故知真心雖在塵勞不為塵勞所染如白玉投泥其色不改也

真心息妄

或曰真心在妄則是凡夫如何得出妄成聖耶曰古云妄心無處即菩提生死涅槃本平等經云彼之衆生幻身滅故幻心亦滅幻心滅故幻塵亦滅幻塵滅故幻滅亦滅故非幻不滅譬如磨鏡垢盡明現永嘉亦云心是根法是塵兩種猶如鏡上痕痕垢盡時光始現心法雙忘性即真心此乃出妄而成真也或曰莊生云心者其熱焦火其寒凝冰其疾俛仰之間再俯四海之外其居也淵而靜其動也懸而天者其惟人心乎此莊生先說凡夫心

不可治伏如此也未審宗門以何法治妄心也曰以無心法治妄心也或曰人若無心便同草木無心之說請施方便曰今云無心非無心體名無心也但心中無物名曰無心如言空瓶瓶中無物名曰空瓶非瓶體無名空

第八

瓶也故祖師云汝但於心無事於事無心自然虛而靈寂而妙是此心旨也據此則以無妄心非無真心妙用也從來諸師說做無心工夫類各不同今總大義畧明十種

一曰覺察謂做工夫時平常絕念隄防念起

一念纔生便與覺破妄念破覺後念不生此之覺智亦不須用妄覺俱忘名曰無心故祖師云不怕念起只恐覺遲又偈云不用求真唯須息見此是息妄功夫也

二曰休歇謂做工夫時不思善不思惡心起

便休遇緣便歇古人云一條白練去冷湫湫地去古廟裏香爐去直得絕塵纖離分別如痴似兀方有少分相應此休歇妄心功夫也三泯心存境謂做工夫時於一切妄念俱息不顧外境但自息心妄心已息何嘗有境即

古人奪人不奪境法門也故有語云是處有芳草滿城無故人又龐公云但自無心於萬物何妨萬物常圍繞此是泯心存境息妄功夫也

四泯境存心謂做工夫時將一切內外諸境

第九

悉觀為空寂只存一心孤標獨立所以古人云不與萬法為侶不與諸塵作對心若著境心即是妄今既無境何妄之有乃真心獨照不礙於道即古人奪境不奪人也故有語云上園花已謝車馬尚駢闐又云三千劍客今

何在獨計莊周定太平此是泯境存心息妄功夫也

五泯心境謂做工夫時先空寂外境次滅內心既內外心境俱寂畢竟妄從何有故灌溪云十方無壁落四面亦無門淨躡躡赤洒

酒即祖師人境兩俱奪法門也故有語云雲散水流去寂然天地空又云人牛俱不見正是月明時此泯心境息妄功夫也

六存境存心謂做工夫時心住心位境住境位有時心境相對則心不取境境不臨心各

不相到自然妄念不生於道無礙故經云是法住法位世間相常住即祖師人境俱不奪法門也故有語云一片月生海幾家人上樓又云山花千萬朵遊子不知歸此是存境存心滅妄功夫也

七內外全體謂做工夫時於山河大地日月星辰內身外器一切諸法同真心體湛然虛明無一毫異大千沙界打成一片更於何處得妄心來所以肇法師云天地與我同根萬物與我同體此是內外全體滅妄功夫也

八內外全用謂做工夫時將一切內外身心器界諸法及一切動用施為悉觀作真心妙用一切心念纔生便是妙用現前既一切皆是妙用妄心向甚麼處安著故永嘉云無明實性即佛性幻化空身即法身志公十二時

第十

歌云平旦寅狂機內隱道人身坐卧不知元是道只麼忙忙受苦辛此是內外全用息妄功夫也

九即體即用謂做工夫時雖冥合真體一味空寂而於中內隱靈明乃體即用也靈明中

內隱空寂用即體也故永嘉云惺惺寂寂是惺惺妄想非寂寂惺惺是無計寂寂非既寂寂中不容無計惺惺中不用亂想所有妄心如何得生此是即體即用滅妄功夫也

十透出體用謂做功夫時不分內外亦不辨東西南北將四方八面只作一箇大解脫門圓陀陀地體用不分無分毫滲漏通身打成片其妄何處得起古人云通身無縫罅上下或圍圍是乃透出體用滅妄功夫也

已上十種做功夫法不須全用但得一門功夫成就其妄自滅真心即現隨根宿習曾與何法有緣即便習之此之功夫乃無功之功非有心功力也此箇休歇妄心法門最緊要故偏多說無文繫也

真心四儀

教九

十一

或曰前說息妄未審但只坐習亦通行住等耶曰經論多說坐習所以易成故亦通行住等又漸成純熟故起信論云若修止者住於靜處端坐正意不依氣息依形色不依於空不依地水火風乃至不依見聞覺知一切諸

想隨念皆除亦遣除想以一切法本來無想念念不生念念不滅亦不得隨心外念境界以心除心心若馳散即當收來住於正念是正念者當知唯心無外境界即復此心亦無自相念念不可得若從坐起去來進止有所

施作於一切時常念方便隨順觀察又習純熟其心得住以心住故漸漸猛利隨順得入真如三昧深伏煩惱信心增長速成不退唯除疑惑不信誹謗重罪障我慢懈怠如是等人所不能入據此則通四儀也圓覺經云

先依如來奢摩他行堅持禁戒安處徒衆宴坐靜室此初習也永嘉云行亦禪坐亦禪語默動靜體安然據此亦通四儀耳總論功力坐尚不能息心况行住等豈能入道耶若是用得純熟底人千聖與來驚不起萬般魔妖

不迴頭豈况行住坐中不能做功夫也如人欲警恨於人乃至行住坐臥飲食動用一切時中不能忘了欲愛樂於人亦復如是且憎愛是有心中事尚於有心中容得今做功夫是無心事又何疑四儀中不常現前也只恐

不信不為若為若信則威儀中道必不失也

真心所在

教九

十一

或曰息妄心而真心現矣然則真心體用今在何處曰真心妙體遍一切處永嘉云不離當處常湛然竟即知君不可見經云虛空性故常不動故如來藏中無起滅故大法眼云處處菩提路頭頭功德林此即是體所在也真心妙用隨感隨現如谷應聲法燈云今古應無墜分明在目前片雲生晚谷孤鶴下遙天所以魏府元華嚴云佛法在日用處在行

住坐卧處喫茶喫飯處語言相問處所作所為舉心動念又却不是也故知體則偏而處悉能起用但因緣有無不定故妙用不定耳非無妙用也修心之人欲入無為海度諸生死莫迷真心體用斯在也

真心出死

或曰嘗聞見性之人出離生死然往昔諸祖是見性人皆有生有死今現見世間修道之人有生有死事如何云出生死耶曰生死本無妄計為有知人病眼見空中花或無病人說

無空花病者不信目病若無空花自滅方信
花無只花未滅其花亦空但病者妄執為花
非體實有也如人妄認生死為有或無生死
人告云本無生死彼人一朝妄息生死自除
方知生死本來是無只生死未息時亦非實

教九

十三

有以妄認生死有故經云善男子一切衆生
從無始來種種顛倒猶如迷人四方易處妄
認四大為自身相六塵緣影為自心相譬彼
病目見空中花乃至如衆空花滅於虛空不
可說言有定滅處何以故無生處故一切衆

生於無生中妄見生滅是故說名輪轉生死
據此經文信知達悟圓覺真心本無生死今
知無生死而不能脫生死者功夫不到故也
故教中說菴婆女問文殊云明知生是不生
之法為甚麼被生死之所流文殊云其力未
充故後有進山主問修山主云明知生是不
生之法為甚麼却被生死之所流修云等畢
竟成竹去如今作篋使得麼所以知無生死
不如體無生死體無生死不如契無生死契
無生死不如用無生死今人尚不知無生死

况體無生死契無生死用無生死耶故認生
死者不信無生死法不亦宜乎

真心正助

或曰如前息妄真心現前且如妄未息時但
只歇妄做無心功夫更有別法可對治諸妄

耶曰正助不同也以無心息妄為正以習衆
善為助譬如明鏡為塵所覆雖以手力揩拭
要須妙藥磨瑩光始現也塵垢煩惱也手力
無心功也磨藥衆善也鏡光真心也起信論
云復次信成就發心者發何等心畧有三種

云何為三一者真心正念真如法故二者深
心集一切善行故三者大悲心欲拔一切衆
生苦故問曰上說法界一相佛體無二何故
不唯念真如復假求學諸善也答曰譬如大
摩尼寶體性明淨而有鑛穢之垢若人雖念
寶性不以方便種種磨治終無得淨以垢無
量遍一切法故修一切善行如是真如之法
體性空淨而有無量煩惱染垢若人雖念真
如不以方便種種重習亦無得淨以垢無量
遍一切法故修一切善行以為對治若人修

教九

十四

行一切善法自然歸順真如法故據此所論
以休歇妄心為正修諸善法為助若修善時
與無心相應不取着因果若取因果便落凡
夫人天報中難證真如不脫生死若與無心
相應乃是證真如方便脫生死之要術兼得
廣大福德金剛般若經云須善提菩薩無住
相布施其福德不可思量今見世人有參學
者雖知有箇本來佛性乃便自恃天真不習
衆善豈只於真心不達亦乃翻成懈怠惡道
尚不能免况脫生死此見大錯也

真心功德

或曰有心修因不疑功德矣無心修因功德
何來曰有心修因得有為果無心為因顯性
功德此諸功德本來自具妄復不顯今既妄
除功德現前故永嘉云三身四智體中圓八
解六通心地印乃是體中自具性功德也古
頌若人靜坐一須臾勝造恒沙七寶塔寶塔
畢竟化為塵一念淨心成正覺故知無心功
大於有心也洪州水潦和尚參馬祖問如何
是西來的的意被馬祖一踏踏到忽然發悟

教九

十五

起來撫掌大笑云也。大奇也大奇。百千三昧無量妙義。只向一毛頭上。便一時識得根源。去乃作禮而退。據此則功德不從外來。本自具足也。四祖謂懶融禪師曰。夫百千法門。同歸方寸。河沙功德。總在心源。一切戒門定門。

慧門神通變化。悉自具足。不離汝心。據祖師語。無心功德甚多。但好事相功德者。於無心功德自不生信耳。

真心驗功

或曰真心現前如何知是真心成熟無礙也。

曰學道之人已得真心現前時。但習氣未除。若遇熟境有時失念。如牧牛雖調到牽拽隨順處。猶不敢放了。鞭繩直待心調步穩。趕趁入苗稼中。不傷苗稼。方敢撒手也。到此地步。便不用牧童鞭繩。自然無傷苗稼。如道人得

真心後。先且用功保養。有大力用方可利生。若驗此真心時。先將平生所愛底境。時時想在面前。如依前起憎愛心。則道心未熟。若不生憎愛心。是道心熟也。雖然如此成熟。猶是自然不起憎愛。又再驗心。若遇憎愛境時。特

然起憎愛心。今取憎愛境界。若心不起。是心無礙。如露地白牛。不傷苗稼也。古有呵佛罵祖者。是與此心相應。今見纔入宗門。未知道之遠近。便學呵佛罵祖者。太早計也。

真心無知

第九

六

或曰真心與妄心對境時如何辨別。真妄耶。曰妄心對境有知。而知於順違境起貪嗔心。又於中容境起痴心也。既於境上起貪嗔痴。三毒足見是妄心也。祖師云。逆順相爭。是為心病。故對知於不可者是妄心也。若真心

者無知。而知平懷圓照。故異於草木不生憎愛。故異於妄心。即對境虛明。不憎不愛。無知而知者。真心故。肇論云。夫聖心者。微妙無相。不可為有用之彌動。不可為無乃至非有。故知而無知。非無故無知。而知是以無知即知。

無以言異於聖人心也。又妄心在有著有在。無著無常在。二邊不知中道。永嘉云。捨妄心取真理。取捨之心。成巧偽。學人不了用。循行深成認賊。將為子。若是真心。居有無而不落。有無常處中道。故祖師云。不逐有緣。勿住空。

忍一種平懷。泯然自盡。肇論云。是以聖人處有。有不有。居無不無。雖不取於有。無然不捨於有。無所以和光。塵勞周旋。五趣亦然。而往怕爾。而來恬淡。無為而無不為。此說聖人垂手為人。周旋五趣。接化衆生。雖往來而無往來。

第九

十七

相妄心不爾。故真心妄心不同也。又真心乃平常心也。妄心乃不平常心也。或曰何名平常心也。曰人人具有一點靈明。湛若虛空。遍一切處。對俗事假名。理性對妄識。權號真心。無分毫分別。遇緣不昧。無一念取捨觸物。皆

周不逐。萬境遷移。設使隨流。得妙不離當處。湛然。竟即知君不見。乃真心也。或曰何名不平常心。耶。曰境有聖與凡。境有染與淨。境有斷與常。境有理與事。境有生與滅。境有動與靜。境有去與來。境有好與醜。境有善與惡。境

有因與果。細論則萬別千差。今乃且舉十對。皆名不平常心也。心隨此不平常心。而生不平常心。而滅不平常心。心對前平常心。真心所以名不平常心也。真心本具。不隨不平常心。生起種種差別。所以名平常心也。或曰

真心平常無諸異因奈何佛說因果善惡報應乎曰妄心逐種種境不了種種境遂起種種心佛說種種因果法治伏種種妄心須立因果也若此真心不逐種種境由是不起種種心佛即不說種種法何有因果也或曰真心平常不生耶曰真心有時施用非逐境生但妙用遊戲不昧因果耳

真心所往

或曰未達真心人由迷真心故作善惡因由作善因故生善道中由作惡因故人惡道中

逐業受生其理不疑若達真心人妄情歇盡契證真心無善惡因一靈身後何所依託耶曰莫謂有依託者勝無依託耶又莫將無依託者同人間飄零之蕩子似鬼趣無主之孤魂持為此問求有依託耳或曰然曰達性則不然也一切眾生迷覺性故妄情愛念結業為因生六趣中受善惡報假如天業為因只得天果除合生處餘並不得受用諸趣皆爾既從其業故合生處為樂不生處為非樂以合生處為自已依託不生處為他人依託所

以有妄情則有妄因有妄因則有妄果有妄果則有依託有依託則分彼此分彼此則有不可也今達真心契無生滅之覺性起無生滅之妙用妙體真常本無生滅妙用隨緣似有生滅然從體生用用即是體何生滅之

可有達人即證真體其生滅何干涉耶如水以濕性為體波浪為用濕性元無生滅然波中濕性何生滅耶然波離濕性別無故波亦無生滅所以古人云盡大地是沙門一雙正眼盡大地是箇伽藍盡是悟理人安身立命

處既達真心四生六道一時消殞山河大地悉是真心不可離此真心之外別有依託處也既無三界妄因必無六趣妄果妄果既無說甚依託必無彼此既無彼此則何不可也即十方世界唯一真心全身受用無別依託又於示現門中隨意往生而無障礙故傳燈云溫操尚書問圭峯曰悟理之人一期壽終何所依託圭峯曰一切眾生無不具有靈明覺性與佛無殊若能悟此性即是法身本自無生何有依託靈明不昧了了常知無所

從來亦無所去但以空寂為自體勿認色身以靈知為自心勿認妄念妄念若起都不隨之則臨命終時自然業不能繫雖有中陰所向自由天上人間隨意寄託此即前真心身後所阻者也

真心直說終

誠初心學人文

夫初心之人須遠離惡友親近賢善受五戒十戒等善知持犯開遮但依金口聖言具順庸流妄說既已出家參陪清泉常念柔和善順不得我慢貢高大者為兄小者為弟儻有諍者兩說和合但以慈心相向不得惡語傷人若也欺凌同伴論說是非如此出家全無利益財色之禍甚於毒蛇省已知非常須遠離無緣事則不得入他房院當屏處不得強知他事非六日不得洗浣內衣臨盥漱不得

高聲涕唾行益次不得塘揆越序經行次不得開襟掉臂言談次不得高聲戲笑非要事不得出於門外有病入須慈心守護見賓客須欣然迎接尊長須肅恭迴避辨道具須儉約知足齋食時飲啜不得作聲執放要須

數九

二十

安詳不得舉頰顧視不得欣厭精微須默無言說須防護雜念須知受食但瘳形枯爲成道業須念般若心經觀三輪清淨不違道用赴焚脩須早暮勤行自責懈怠知衆行次不得雜亂讚頌呪願須誦文觀義不得但隨音

聲不得韻曲不調瞻敬尊顏不得攀緣異境須知自身罪障猶如山海須知理懺事懺可以消除深觀能禮所禮皆從真性緣起深信感應不虛影響相從

居東寮須相讓不爭須迤相扶護慎詳論勝負慎聚頭閑話慎誤着他鞋慎坐卧越次對客言談不得揚於家醜但讚院門佛事不得誦庫房日閒雜事自生疑惑非要事不得遊州獵縣與俗交通令他憎嫉失自道情儻有要事出行告住持人及管衆者令知去處若

入俗家切須堅持正念慎勿見色聞聲流蕩邪心又况披襟戲笑亂說雜事非時酒食妄作無碍之行深垂佛戒又處賢善人嫌疑之間豈爲有智慧人也住社堂慎沙彌同行慎人事往還慎見他好惡慎貪求文字慎睡眠

數九

十一

過度慎散亂攀緣

若遇宗師陞座說法切不得於法作懸崖想生退屈心或作貫聞想生容易心當須虛懷聞之必有機發之時不得隨學語者但取口辦所謂地飲水成毒牛飲水成乳智學成苦

提愚學成生死是也又不得於主法人生輕薄想因之於道有障不能進脩切須慎之論云如人夜行罪人執炬當路若以人惡故不受光明墮坑落澗去矣聞法之次如履薄冰必須側耳目而聽玄音肅情塵而賞幽致下

堂後默坐觀之如有所疑博問先覺夕惕朝詢不濫絲髮如是乃可能生正信以道爲懷者歟無始習熟愛欲恚癡纏綿意地暫伏還起如隔日瘧一切時中直須用加行方便智慧之力痛自遮護豈可閑謾游談無限虛喪

天日欲與心宗而求出路哉但堅志節黃躬匪懈知非遷善改悔調柔勤脩而觀力轉深鍊磨而行門益淨長起難遭之想道業恒新常懷慶幸之心終不退轉如是久久自然定慧圓明見自心性用如幻悲智還度衆生作

人天大福田切須勉之泰和乙丑冬月海東

曹溪山老衲

知訥

誌

皖山正凝禪師示蒙山法語 侍者錄 師見蒙山來禮先自問云你還信得及麼山云若信不及不到這裏師云十分信得更要

持戒持戒易得靈驗若無戒行如空中架樓閣還持戒麼山云見持五戒師云此後只看箇無字不要思量卜度不得作有無解會且莫看經教語錄之類只單單提箇無字於十二時中四威儀內須要惺惺如猫捕鼠如雞

數九

十三

抱如無本斷續未得透徹時當如老鼠咬棺材相似不可改移時後鞭起疑云一切含靈皆有佛性趙州因甚道無意作麼生既有疑時默默提箇無字迴光自看只這箇無字要識得自已要識得趙州要捉敗佛祖得人憎

處但信我如此說話驀直做將去決定有發
明時節斷不誤你云云

東山崇藏主送子行腳法語

大凡行脚須以此道為懷不可受現成供養
了等閑過日須是將生死二字釘在額上十

二時中裂轉面皮討箇分曉始得若祇隨群
逐隊打空過時他時閻羅老子打筭飯錢莫
道我與你不說若做工夫須要日日打筭時
時點檢自轉鼓起來至二更看那裏是不得
力處那裏是打失處那裏是不打失處若如

此做將去定有到家時節有一般辨道之人
經不看佛不禮纔上蒲團便打瞌睡及至醒
來又且胡思亂想纔下禪床便與人打雜交
若如此辨道至彌勒下生也未有人入手底時
節須是猛着精彩提起一箇無字書三夜三
與他厮睡不可坐在無事匣裏又不可執在
蒲團上死坐須要活弄恐雜念紛飛起時千
萬不可與他厮鬪轉鬪轉急多有人在這裏
不識進退解免不下成風成顛壞了一生須
向紛飛起處輕輕放下打一箇轉身下地行

一遭又上床開兩眼捏雙拳豎起脊梁依前
提起便覺清涼如一鍋湯纔下一杓冷水相
似但如此做工夫日久月深自有到家時節
工夫未得入手莫生煩惱煩惱惱魔入心若
覺省力不可生歡喜恐歡喜魔入心種種病
痛言之不盡恐眾中有老成兄弟辨道者千
萬時時請益若無將祖師做工夫底言語看
一遍如親見相似而今此道難得其人千萬
向前望汝早早打破漆桶歸來為我揩背至
囑至囑

蒙山和尚示眾

若有來此同甘寂寥者捨此世緣除去執著
顛倒真實為生死大事肯順庵中規矩截斷
人事隨緣受用除三更外不許睡眠不許出
街不許赴請未有發明不許看讀非公界請
不許閱經如法下三年工夫若不見性通宗
山僧替你入地獄

夫心者是世間出世間萬法之總相也萬法
即是心之別相然其別有五：一肉團心狀如
蕉蕾生色身中係無情攝二緣慮心狀若野
燒忽生忽滅係妄想攝三集起心狀如草子
埋伏識田係習氣攝四顛邪心狀如良田納

第九

二十四

種無厭係無明攝五真如心狀同虛空廓徹
法界係寂照攝已上五心前四皆妄念念生
滅後一是真三際一如若不揀辨分明猶恐
認妄為真其失非小故引佛經祖語問辨微
釋開示迷妄根源指陳脩證本末次第第一十

六章始於正信終乎所往深明真心之捷徑
故名直說予獲是書僅十餘載朝夕觀覽以
為棲神之秘要一日出示眾信善士感節菴
居士陳普忠慨然樂施綉梓流傳庶修心之
士觀之者咸悟真心之妙迥出直說之表也
是為跋

正統十二年歲在丁卯臘月八日

大天界蒙堂比丘

真心直說後跋

真心直說目錄

本序

重刻序 明釋文定撰

篇目

真心正信

真心異名

真心妙體

真心妙用

真心體用一異

真心在迷

真心息妄

真心四儀

真心所在

真心出死

真心正助

真心功德

真心無知

附

真心驗功

真心無知

附

誠初心學人文

院山正凝禪師示蒙山法語

東山崇藏主送子行腳法語

蒙山和尚示眾語

後跋

真心直說

校勘記

- 一 底本，明永樂北藏本。
- 一 四一頁上一行前，徑有目錄，茲附於卷後。
- 一 四一頁上一行「古德禪師」，徑無。
- 一 四一頁上一三行「商量」，徑、清作「商量」。
- 一 四一頁中一行「重刊」，徑作「重刻」。
- 一 四一頁中九行末字「矣」，徑無。
- 一 四一頁中一五行「水晶珠」，徑作「水清珠」。
- 一 四一頁下三行末至次行首「故有樂果」，徑無。
- 一 四一頁下一五行第一一字「道」，徑作「入道」。
- 一 四一頁下一九行「一念須」，徑、清作「一念頃」。又「思唯」，徑、清作「思惟」。
- 一 四二頁上一三行「淨明經」，徑作

「淨名經」。

- 一 四二頁中六行第一一字「牢」，徑、清無。
- 一 四二頁中末行首字「侍」，徑、清作「待」。又第三字「大」，徑作「太」。
- 一 四二頁下一五行第三字「證」，徑作「證」。
- 一 四三頁上末行「俱肱」，徑、清作「俱胝」。
- 一 四三頁中七行第六字「識」，徑作「證」。
- 一 四三頁中一七行第六字「同」，徑作「本同」。
- 一 四三頁下一四行第一三字「滅」，徑作「滅幻滅滅」。
- 一 四三頁下一七行第七字「心」，徑、清無。
- 一 四五頁上二行「無計」，徑作「無記」。三行同。
- 一 四五頁上一九行「依形色」，徑、清作「不依形色」。
- 一 四五頁中三行首字「以」，徑作「後

以」。

一四五頁中一六行第三字「頭」，徑作「顧」。

一四五頁中一九行第二字「是」，徑無。

一四五頁中末行第一五字「也」，徑作「耶」。

一四五頁下一五行第八字「斯」，徑作「所」。

一四六頁中一一行「真心」，徑作「直心」。

一四七頁上一九行第一六字「猶」，徑作「猶未」。

一四七頁中三行第九字「令」，徑、清作「今」。

一四七頁中一〇行「對知」，徑作「知對」。

一四七頁中一四行第八字「動」，徑作「勤」。

一四七頁中一八行「循行」，徑作「修行」；清作「脩行」。

一四八頁上一〇行第一四字「人」，

徑作「入」；清作「生」。

一四八頁中七行第一六字「然」，徑作「故」。

一四八頁下五行第三字「阻」，徑作「往」。

一四八頁下七行前，徑有一字「附」。

一四九頁上一八行「日聞」，徑、清作「見聞」。

一四九頁中八行第七字「貫」，徑作「串」。

一四九頁中末行「無限」，徑作「無根」。

一四九頁下八行「侍者錄」，徑無。

一五〇頁上一六行第四字「睚」，清作「挨」。又第一一字「匣」，徑、清作「甲」。

一五〇頁中二行第一一字「纒」，徑作「撓」。

一五〇頁中一一行「示衆」，徑作「示衆語」。

一五〇頁下一行前，徑有「後跋」一行。

一五〇頁下一一行「捷徑」，徑、清作「捷徑」。

一五〇頁下一五行第五字「感」，徑作「感」。

一五〇頁下末行「真心直說後跋」，徑無。